

Allannguutissatut siunnersuut

uunga

**Siunnersuut uunga: Utoqqalinersiaqarneq pillugu Inatsisartut inatsisaat nr. xx, xx.xx 2015-imeersoq**

Pingajussaaneerinninnermi Naalakkersuisunit saqqummiunneqarpoq.

§ 5-imut

1. § 5, Imm. 2 ima allanneqassaaq:

” *Imm. 2.* Utoqqalinersiaqartut utoqqalinersiaqanngitsumik aappaqartut utoqqalinersianut tapeqassapput utoqqalinersialimmut kisimiittumut tunniunneqartumut annertussuseqartumik, utoqqalinersiaqartoq aapparisaatalu isertitaat maanna atuuttut ukiumut katillugit kr. 200.000-t ataallugit isertitaqarpata. Utoqqalinersianut tapeq utoqqalinersiallip aappaatalu isertitaanit toqqammavigineqartunit 53 pct-imik appartinneqassaaq kr. 83.000-inik ilanngaaserlugit.”

§ 12-imut

2. § 12, imm. 2 ima allanneqassaaq:

” *Imm. 2.* Utoqqalinersiaqalersitsisoqartillugu aamma isertitani maanna atuuttuni annertuumik allanngortoqartillugu isertitat maanna atuuttut ilimagineqartut tunulequtaralugit utoqqalinersiat naatsorsorneqassapput. Allannguuteqartoqarnerup kingorna nalimmassaaneq qaammatip aallaqqaataani atuutilertassaaq.”

§ 20-mut

3. § 20, imm. 1 ima allanneqassaaq:

” *Imm. 1.* Utoqqalinersianik tapiliussaasinnaasullu ilanngullugit pisinnaatitaanermut imaluunniit nalimmassaasoqarnissaanut tunngasuni atugarisatigut allannguuteqartoqartillugu utoqqalinersiaqartoq kommunalbestyrelsimut paasissutissiinissaminut pisussaatitaavoq. Utoqqalinersianik tapiliussaasinnaasullu ilanngullugit pisinnaatitaasoq kommunit aggornerisa avataani najugaqartoq Naalakkersuisunut paasissutissiinissaminut pisussaatitaavoq.”

Inatsisissatut siunnersuummut oqaaseqaatit

### **Siunnersuummut oqaaseqaatit nalinginnaasut**

Utoqqalinersiaqarneq pillugut inatsisartut inatsisissaattut siunnersuut siullermeerneqarpoq 8. oktober 2015. Siullermeerneqarnerata kingorna inatsisissatut siunnersuut Ilaqutariinnermut Peqqissutsimullu Ataatsimiititaliamut suliassanngortinneqarpoq. Siullermeerinninnerup aap-passaaneerinninnerullu akornanni inatsisissatut siunnersuut pillugu politikikkut oqallinnerit kingunerisaannik Naalakkersuisut siunnersuummut aallannguutissamik siunnersuuteqarput. Inatsisartut Ilaqutariinnermut Peqqissutsimullu Ataatsimiititaliaat isumaliutissiissummik aap-passaaneerinninnermut atorneqartumik tunniussaqaarput.

Matuma inatsisiliornerup saniatigut Ineqarnermut tapeqartitsineq pillugu aamma Siusinaar-tumik pensionisiaqarneq pillugu Inatsisartut inatsisissaattut siunnersuutit akornanni ataqatigiissaarisoaqarpoq. Pingajussaaneerinninnissap siornagut suliaqarnermi erserpoq oqari-aaseq ”isertitat maanna atuuttut” pillugit allannguutissatut siunnersuusiornissaq pisariaqartin-neqartoq tamannalu pillugu aalajangersakkani ataasiakkaani oqaatsitigut erseqqissaasoqartari-aqartoq.

Isumaliutissiissut tunulequtaralugu inatsimmi § 20, imm. 1 pillugu oqaatsitigut ersaris-saasoqarpoq. Taamattaaq § 5, imm. 2-mi inuit pineqartut pillugit ersarissaateqarnikkut naqqiisoqarpoq. Naggataatigut § 12, imm. 2 allanngortinneqarpoq pissutsini marlunni pineqartuni isertitat maanna atuuttut ilimagineqartut tunngavigalugit utoqqalinersiat naatsorsorneqartarnissaannut tunngatillugu.

Taamattaaq oqaaseqaatini nalinginnaasuni oqariaaseq ”isertitat maanna atuuttut” pillugit er-sarissaammik ilanngussisoqarpoq.

Allannguutissatut siunnersuut aningaasaqarnikkut allaffissornikkullu kinguneqassanngilaq.

#### *Isertitat maanna atuuttut*

Allannguutissatut siunnersuummi oqariaaseq *isertitat maanna atuuttut* ersarissarneqarpoq.

Isertitat maanna atuuttut tassaapput isertitat A-t aamma B-t ilanngaatisaqq ilanngaatigereerlu-gu. Isertitat maanna atuuttuni isertitat akileraarutaasussaannngitsut tamaasa ilanngunne-qartussaannngillat, DIS-imiit aamma GIS-imiit isertitat eqqaassanngikkaanni.

## **Aalajangersakkanut ataasiakkaanut oqaaseqaatit**

### *Nr. 1-imut*

#### Imm. 2-mut

Siunnersuutaavoq utoqqalinersiallit utoqqalinersiaqanngitsumik aappaqartut utoqqalinersiallip aapparisaatalu ukiumut isertitaat maanna atuuttut kr. 200.000 qaangersimangippatigit, utoqqalinersiaqartoq kisimiittut isigineqassasoq. Tamanna pissaaq utoqqalinersiaqartoq utoqqalinersianut tapinik kisimiittut annertussuseqartunik pisarneratigit.

### *Nr. 2-mut*

#### Imm. 2-mut

Aalajangersakkap oqaasertai allanngortinneqarput, utoqqalinersiaqartoqalersillugu aamma isertitani maanna atuuttuni annertuumik allanngortoqartillugu isertitat maanna atuuttut ilimagineqartut tunuliaqutaralugit utoqqalinersiat naatsorsorneqartassammata.

Piffissami utoqqalinersiaqalernerup nalaani annertuumillu allanngortoqartillugu isertitat ilimagineqartut tunngavigineqarnissaat pingaartinneqarpoq. Piffissami utoqqalinersiaqalersitsinerup aamma annertuumik allannguuteqartoqarnerata nalaani isertitat maanna atuuttuni allannguutaasut pereersimakkajummata qinnuteqaateqarnerup piffissap siuliani isertitaneqartuni tunngassutilinni paasissutissat naleqqukkunnaarsimasassapput. Taamallillugu isertitat maanna atuuttut ilimagineqartut pingaartinneqarput.

Utoqqalinersiat naatsorsorneqarnerini tunngavigineqartuni allannguuteqartoqarnera pissutsini ataasiakkaani nalilersuisoqaqqaartassaaq. Annertuumik allannguutaasuni assersuutaasinnaavoq utoqqalinersialimmi aappaqarnikkut allanngortoqarnera imaluunniit utoqqalinersiaqartup aapparisaataluunniit suliffeqarnikkut attuumassuteqarnerannut allannguutaasinnaasut.

### *Nr. 3-mut*

#### Imm. 1-imut

Aalajangersakkap aalajangersarpaa utoqqalinersianut tapiutaasinnaasunullu pisinnaatitaanermut attuumassuteqartuni allannguuteqartoqartillugu utoqqalinersiaqartoq nammineerluni nalunaaruteqartussaataasooq aningaasartat tunniunneqartartut nalimmassarnejarnissaannut kinguneqarsinnaasumik. Tamassuma kinguneraa aningaasaqarnikkut aamma inuttut pissutsini

allanngortoqarnerani utoqqalinersiaqartoq nalunaaruteqarnissamik pisussaatitaasoq, assersuutigalugu katinnikkut imaluunniit avinnikkut, aamma tassunga atatillugu nalunaarsukkamik inooqateqarnermut tunngatillugu, inooqateqalernikkut imaluunniit isertitaqarnikkut allanngortoqartillugu. Utoqqalinersiaqartut tapiliussaasinnaasunillu pisartagaqartut kommunit aggornerisa avataanni najugaqartut Naalakkersuisunut nalunaartussaataanerannik aalajangersagaq oqaatsitigut ersarissarneqarpoq.